

Paul Davies AS
Cadeirydd, Pwyllgor yr Economi, Masnach a Materion
Gwledig

8 Mawrth 2023


Memorandwm Cydsyniad Deddfwriaethol ar y Bil Technoleg Enetig (Bridio Manwl)

Annwyl Paul,

Yn ei gyfarfod ar 28 Chwefror, bu'r Pwyllgor Busnes yn trafod a nodi llythyr gan y Gweinidog Materion Gwledig a Gogledd Cymru, a'r Trefnydd yn ymwneud â'r Memorandwm Cydsyniad Deddfwriaethol ar y Bil Technoleg Enetig (Bridio Manwl).

Rwy'n amgáu ein llythyr ac ymateb y Gweinidog er gwybodaeth.

Cofion cynnes,



Y Gwir Anrh. Elin Jones AS
Y Llywydd a Chadeirydd y Pwyllgor Busnes

Croesewir gohebiaeth yn Gymraeg neu Saesneg.

We welcome correspondence in Welsh or English.



Ein cyf/Our ref LG/00015/23

Elin Jones AS
Llywydd
Senedd Cymru
Caerdydd
CF99 1SN
Llywydd@senedd.cymru

7.02.2023

Memorandwm Cydsyniad Deddfwriaethol ar y Bil Technoleg Enetig (Bridio Manwl)

Diolch am eich llythyr dyddiedig 11 Ionawr ynghylch cyflwyno'r Memorandwm Cydsyniad Deddfwriaethol ar y Bil Technoleg Enetig (Bridio Manwl).

Rwy'n gresynu nad yw'r Senedd wedi cael llawer o amser i ystyried y Bil. Penderfynodd Llywodraeth y DU beidio â gweithio gyda'r Llywodraethau Datganoledig wrth ddatblygu'r ddeddfwriaeth hon. Arweiniodd hyn yn syth at oblygiadau o ran ein gallu i gynnal ein dadansoddiad ein hunain o'r effeithiau. Yn ychwanegol, oherwydd natur gymhleth y Bil roedd angen adolygiad manwl, ac felly yn anochel cymerodd hyn amser i weithio arno. Serch hynny, rwy'n ymwybodol o'r anawsterau gwirioneddol y mae'r oedi hwn wedi'u hachosi o ran amser craffu'r Senedd; mae Llywodraeth y DU wedi cael gwybod amdanynt yn eu tro.

Rydym yn parhau i fod yn ymrwymedig i gyflwyno Memoranda Cydsyniad Deddfwriaethol mewn modd amserol a sicrhau bod y Senedd yn cael gymaint o gyfle i graffu â phosibl. Fodd bynnag, os bydd Llywodraeth y DU yn ymgysylltu'n hwyr gall hyn arwain at bwysau eithafol ar y broses hon, fel y gwelwyd gyda nifer o Filiau. Byddwn yn parhau i godi â Llywodraeth y DU bwysigrwydd ymgysylltu'n well gan nodi bod yn rhaid iddynt ddarparu ar gyfer prosesau'r Senedd wrth ystyried amserlenni eu Biliau.

Lesley Griffiths AS/MS
Y Gweinidog Materion Gwledig a Gogledd Cymru, a'r Trefnydd
Minister for Rural Affairs and North Wales, and Trefnydd

Bae Caerdydd • Cardiff Bay
Caerdydd • Cardiff
CF99 1SN

Canolfan Cyswllt Cyntaf / First Point of Contact Centre:
0300 0604400

Gohebiaeth.Lesley.Griffiths@llyw.cymru
Correspondence.Lesley.Griffiths@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.